



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlvm III. Nisi.

[urn:nbn:de:hbz:466:1-62559](#)

uilegia numerari debet. Respondeo , distingendum esse inter ius pallij petendi, ipsumque pallium & usum eius. Ius pallij, à Sede Apostolica petendi, secundum canones adhæret dignitati Archiepiscopali; ideoque inter priuilegia realia recte numeratur, quia ad successorem quemlibet transit.

At vero concessio pallij fit personæ, ita ut usus eius alteri communicari nequeat, sed cum persona extinguitur. Interim vero persona, cui pallium ratione dignitatis ecclesiæ suæ conceditur, attendere debet ad priuilegia ecclesiæ suæ, ut pallio vtratur, sicuti alij antecessores sui. Qua ratione Gregorius I. Pontifex lib. 4. epist. 54. ad Ioannem Episcopum Rauennæ scribit, si in ecclesia eius mortis fuit, ut aliquoties, videlicet quater in anno, licet Archiepiscopo extra ecclesiam in litaniis publicis pallio vti, se ipsi hoc priuilegium non auferre; licet alioquin secundum canones pallij usus solum in ecclesia permisus sit.

Corollarium. Si Archiepiscopus ad alium Archiepiscopatum transferatur, & alius ei substitutatur, ut que nouum pallium petere debet quia pallium, cum sit personæ datum, non transit ad successorem, ut suprà dictum. Et cum sit datum personæ cum ordine ad certæ dioecesis ecclesiæ, ideo extra ecclesiam illam translatu inferire nequit, vt constat ex cibone, 4. in fine, de postulat. Prælatorum. Monent autem hic Ioan. Andr. & Abb. n. 7. quod Archiepiscopus translatus pallium secum deferat, non ut eo vtratur, sed ut cum eo sepeliatur. Qua de re Innoc. hic, ubi monet, quod talis Archiepiscopus cum utroque pallio sepeliendus sit, ita tamen, ut posterius acceptum alteri superpositum sit, vel secundum quosdam, quod & conuenientius videatur, uno tantum induatur, quod posterius acceperat, alterum autem subjiciatur corpori, aut capiti eius.

CAPITVLUM III.

Nisi.

PARAPHRASIS.

Troianus Episcopus postulatus fuit ad ecclesiam Panormitanam, Legatus à latere.

non requisita prius Sedis Apostolicae sententiâ, dedit ei transundi facultatem: is translatus, & receptus mox Archiepiscopum se appellavit. Id postea resciens Innoc. III. scripsit ad Legatum, Tametsi postulatio dicti Episcopi à Sede Apostolica approbata fuisset, quod tamen Archiepiscopum se nominare non debuerit, prusquam pallium à Sede Apostolica acceptum, in quo Pontificalis officij plenitudo, cum Archiepiscopalis nominis appellatione confertur. Monetautem Legatum Pontifex, ut rem gestâ ita studeat palliare, seu tegere, ut id in confusionem suam, & Sedis Apostolice opprobrium non redundet. Quod si verò necesse sit, ut vel Legatus confundatur, vel Pontificalis potestas detrimentum patiatur, potius permittenda erit confusio Legati: dicendo videlicet, Malè egisse Legatum, quod Episcopum sine Pontificis auctoritate transfulerit, & Archiepiscopum appellari permiserit, pallio à Sede Apostolica nondum recepto.

S V M M A R I U M.

1. Archiepiscopus ante acceptum pallium non obtinet plenitudinem officij Archiepiscopalis, ita ut actus iurisdictionis maiores ipsi proprios, v.g. Concilium provinciale convocare, provinciam visitare, ei non licet, ut nec actus Ordinis, qui intra Missarum solemnia, aut saltem cum episcopilibus ornamenti peraguntur.
2. Licitum est veritatem dissimulare; nunquam autem falsitatem simulare.
3. Legatus & quilibet Officialis tueri dominii sui honorem debet, & potius sua, quam publica auctoritatis dampnum permittere.

NO TANDVM I. Archiepiscopus ante acceptum pallium à Sede Apostolica, non obtinet plenitudinem officij Archiepiscopalis; id est, non omnia exercere licet potest, quæ ad Archiepiscopum spectant, tametsi electus, confirmatus, imo & consecratus sit. Qua in re ita distingue post Hostiensem n. 1. Azorto. 2. lib. 3. c. 24. q. 5. Vel agitur de actibus.

bus iurisdictionis, tum dic, quod auctus maiores, cuiusmodi est v. g. Concilium prouinciale contumare, exercere non possitante acceptum pallium, c. quod sicut 28. §. Præterea, de elect. At verò alios auctus iurisdictionis v. g. causas audire, delegare, iudices creare, ordinandi, consecrandi potestatē dare non prohibetur, vti colligitur ex c. suffraganeis, 11. de elect. Vel agitur de auctibus ordinis; tunc distingue: quæ ab Archiepiscopo inter Missarum solemnia, aut saltē cum Episcopali bus ornamenti peraguntur, vti sunt ordinare, chrisma confidere, ecclesiæ consecrare, talia exercere non debant acceptum pallium, cit. e. quod sicut, §. Præterea: Quia ea non vt simplex Episcopus, sed vt Archiepiscopus facere censetur, cùm tamen ante pallium acceptum, quo plenitudo Episcopalis officij designatur, pro Archiepiscopo se gerere non debeat. Quos verò auctus ordinis Archiepiscopus stola tantum induitus exercet, vt si vasa sacra, aut cæmiteria benedicat, talia peragere potest, priusquam pallium accepit.

2. NOTANDVM II. Licitum est quandoque veritatem palliare, seu dissimulare; sed falsitatem simulare nunquam licet; cùm id species quædam mendacij sit. Qua de re dixi lib. 2. Th. mor. tr. 1. c. 11. n. 2. §. Porro, & lib. 4. tr. 3. cap. 13.

3. NOTANDVM III. Legatus & quilibet Officialis publicus Dominis filii honorem defendere debet, & potius priuatum damnum permittere, quam vt publicæ potestatis, & auctoritatis diminutio fiat; quia bonum publicum præferendum est priuato.

CAPITVLUM IV.

Ad honorem.

PARAPHRASIS.

Solus Pontifex Romanus in omnibus Missarum solemnis vbiq; locorum pallium gerit, ad significandum ecclesiasticæ potestatis, quam gerit, plenitudinem. Alij autem, quibus pallium concessum est, eo

nec vbiq; nec semper in Missarum solemnis vtuntur; sed in ecclsiis tantum suis, & certis diebus: quoniam in partem solitudinis, non in plenitudinem potestatis vocati sunt.

S V M M A R I V M.

1. *Vsus pallij tantum esse debet inter Missarum solemnia.*
2. *Et certis diebus solemnibus iuxta consuetudinem cuiusque ecclesie Metropolitanae.*

NO T A N D V M I. Pallij vsus secundum canones esse tantum debet intra Missarum solemnia, vti etiam habetur in c. pallium, & c. contra, d. 100. & docet Hostiensis n. 6. Te bina, ver. pallium.

NO T A N D V M II. Pallium, quod Archiepiscopo mittitur, de corpore B. Petri acceptum dicitur; non quod necessario benedictum sit super altari eius (vti Gl. existimat e. significasti 4. de elect. ver. afflumunt, cui hic contradicit Hostiensis n. 3.) sed quia significat veluti particulam potestatis ecclesiasticæ, deriuatam ex plenitudine potestatis Pontificiae, vti colligitur ex cit. e. significasti.

QUÆRITVR h̄c: Quinam sint ijs certi dies, quibus Archiepiscopo permisum est pallio vti in ecclsiis sibi subiectis? Respondeo: Eos numeratos esse h̄c à Gl. ver. ad honorem, Hostiensi §. Et quibus diebus, Vno verbo dici potest, Pallio Archiepiscopum vi posse in diebus solemnibus, spectata confutidine cuiusque ecclesie Metropolitanæ;

CAPITVLUM V.

Ex tuarum.

PARAPHRASIS.

Compostellanus Archiepiscopus supplicavit Innoc. III. Pontifici, vt extra prouinciam pallio vti per Apostolicæ Sedis indulgentiam ipsi concederetur; præterea quod frequenter extra prouinciam ob ecclsiæ suæ negotia commorari debeat; & in hi-